

飲沐室合集

梁啟超著

9

專集 46

72

飲冰室合集

中華書局

飲冰室專集之四十六

戰國載記

紀列國疆域形勢章第一

春秋史域。惟在山西河南山東湖北四省。及江蘇北部陝西東部之一小分。逮其晚年。則安徽江西浙江。漸見史蹟。戰國之世。除兩廣福建雲貴外。今各行省。悉編版籍矣。其陝西省則曾分隸秦魏楚趙四國。山西則曾分隸魏趙韓三國。直隸則曾分隸燕趙齊衛中山五國。山東則曾分隸齊宋衛三國。其間尤有泗上諸小侯國。河南則曾分隸周韓魏楚宋衛六國。甘肅曾分隸秦趙三國。四川曾分隸秦楚二國。江蘇曾分隸宋楚越三國。安徽曾分隸楚魏宋三國。兩湖江西曾全隸楚國。浙江曾全隸越國。後乃次第展轉入於秦。此其大較也。其先後離合既非常。故難以確指。僅就周及七雄。示其初期領域之梗概。其諸要地之攻取。則分見於次章。

周 周疆域在各國中爲最狹。而三百年間。變遷較少。蓋其地既不足食。亦憚於犯共主也。漢志省稱下同。地理志稱河南洛陽穀城平陰偃師鞏緱氏皆周故地。蓋在今河南河洛道之東北偏。有洛陽偃師鞏孟津四縣沿隴海鐵路東盡鞏縣西盡洛陽北距河南帶伊關即龍轅轅今偃師縣治南七十里至宜陽登封兩縣界而止。然且分爲二周。西周治洛東周治鞏。時復侵閱。愈用局促。至季年蓋少分先入韓。一六六年即秦莊襄元年韓獻成既乃盡入於秦云。

魏

戰國之初。魏最强。蓋分地得晉中權。形勢雄要。故亦襲晉名。魏惠王語孟子所謂晉國天下莫強也。史記戰國策凡

稱晉者皆指魏其都凡四遷。春秋晉獻公時。封畢萬於魏。即晉所滅之故魏國也。今山西河東道芮城縣悼子徙霍。故霍國也。今河

東道霍縣昭子徙安邑。故夏都也。今河東道夏縣惠王徙大梁。即汴梁。後此五代宋金之建都也。今河南省城其地分四部。曰河

東。河西。河內。河外。河西地在今陝西境。西距河。東據洛。今陝西關中道內舊同華商等州所屬諸縣。榆林道舊

延安府綏德州所屬諸縣。及鄜州所屬北東境諸縣是也。其在今榆林道內者。亦稱上郡。河西上郡之西邊。與

秦爲界。有長城南。自今華縣鄭縣西北。過渭水。濱洛水。南岸向北。經鄜縣極北達榆林。蜿蜒千餘里。而上郡東

鄙則界趙焉。河東地在今山西境。西距河。東據汾。今河東道境內舊蒲絳解吉隰等州所屬諸縣。舊平陽府所

屬之汾城縣。及冀寧道內舊澤州所屬之晉城陽城等縣是也。其故都安邑在焉。自汾城以北。與趙爲界。河東

河內皆在大河之北。地勢本相屬。而有韓之上黨縱斷其間。故析爲二部。上黨西稱河東。上黨東稱河內。河內

跨今河南直隸兩省。其在河南者。即故殷墟。有今河北道境內舊衛輝懷慶二府所屬諸縣。及舊彰德府所屬

南境諸縣。其在直隸者。有今大名道境內舊大名府所屬諸縣。北與趙爲界。東與齊爲界。而衛實蝨於其間。衛

雖偏小。然終戰國之世不亡。其地惟東界齊。北西南皆界魏。衛實在魏之封域中也。衛地跨今直隸山東河南三省河外在今

河南境西。錯入安徽山東之邊。亦分兩部。不相聯屬。西部有今河洛道境內陝靈寶閿鄉盧氏諸縣。汝陽境內

之舞陽縣。西界秦。南界楚。東部有今開封道境內舊開封府及許州所屬諸縣。中與宋衛韓錯壤今汝陽道境內舊汝

南府所屬諸縣。中與楚錯境其極東乃至今山東濟寧道之荷澤曹縣。其極南乃至今安徽淮泗道之阜陽縣。蘇秦說魏

惠王云王之城南有新鄭新蓋東界齊宋。南界楚。新都大梁在焉。東西兩部之間。有韓周橫梗。以隴海鐵路所

經明之，商丘驛爲宋地。自是而西，歷甯陵、睢縣、杞縣、陳留，開封中牟、鄆縣以東皆魏地。由鄆縣歷滎陽至鞏縣，皆韓地。自鞏縣歷偃師至洛陽，皆周地。西則新安、阻池又爲韓地。更西則陝縣、靈寶、閿鄉又爲魏地。此魏形勢之大凡也。范雎曰：韓、魏，中國之樞也。頓子曰：魏，天下之胸腹。司馬遷亦曰：昔唐人都河東，殷人都河內，周人都河南，夫三河在天下之中，若鼎足，王者所更居也。三河之樞，魏實綰之，魏之爲重於天下宜矣。然亦以處天下之中，環周皆強國，末由斥境以自廣，終戰國之世，魏地有蹙而無闢。文侯嘗一克中山，前七三年，後仿此參觀年表不能而有也，而卒歸於趙，不寧惟是。其國川原平曠，乏險可守，故張儀說惠王曰：魏地四平，諸侯四通幅湊，無名山大川之限，梁之地勢固戰場也。齊攻其東，趙攻其北，韓攻其西，楚攻其南，四分五裂之道也。言雖恫喝，於勢實審。當其盛時，守在河西，足以自強，及與秦遇而不克支，失少梁，紀之第五十年也，後仿此失雕陰，七十一年盡納河西地，七十一年並及上郡，七十一年大河之勢全失。蓋自去安邑徙大梁以後，四十一年魏之命運定矣。地名今釋詳下文

韓

韓都五選，晉封韓武子於韓原，今陝西關中道韓城縣宣子徙居州，今河南河北道涇陽縣貞子徙平陽，故堯都也，今山西西河東道臨汾縣景侯徙陽翟，今河南開封道禹縣哀侯徙鄆，故鄆都也，今開封道鄆縣其地分二部，本部在今河南境，別部曰上黨，在今山西境。其本部當初分晉時，西境極今河洛道之西，徼逼近潼關，與秦、魏爲界。阻池、殺函皆在境內，阻池即今渾池縣，二縣在縣境史稱秦攻商君殺之於阻池，鄆即韓也，其時阻池猶爲韓地。東亦極今河洛道之東，徼登封、臨汝縣境，與鄆爲界。賈誼稱秦孝公據殺函之固，蓋指潼關一隅耳，說詳下。北則與周、魏爲界，南有舊河南府之南部，舊河南府除南條四縣外皆韓地沿汝水與楚爲界。西南至今汝陽道之內鄉縣北境，南城縣東境，各與楚、秦爲界。其別部上黨則在大河以北，有今山西河東道境內舊平陽府之一部及冀寧

道境內舊潞安府澤州之全部斗入魏境數百里而縱斷之此戰國初之韓疆也初三家分智伯地段規謂韓康子曰必取成皋康子曰石溜之地安所用之規曰不然一里之厚而動千里之權者地利也用臣言則鄭爲韓有矣及入戰國而韓卒滅鄭二十九年兼有春秋鄭許二國地跨今開封道之半而東與魏爲界自是韓亦稱鄭焉史記戰國策凡稱鄭者皆指韓西扼桃林之塞東據虎牢之險虢略十邑其八在韓故頓子曰韓天下之咽喉也然其周遭見脅列強不克展拓乃甚於魏加以地處四衝自春秋來久爲爭的故其人儼巧善趨避而不武戰國之世七雄無歲不戰各有武功可紀惟韓獨無而常首鼠於縱橫兩派之間韓襲鄭名信哉其肯鄭也自宜陽武遂入秦百一十七年一所謂天險者已資敵爲制我之資蘇秦說趙王曰秦攻韓魏無名山大川之限稍蠶食之傳國都而止又說楚王曰韓魏所以重畏秦者爲與秦接壤兵不出十日而戰勝存亡之機決矣張儀說韓王曰大王不事秦秦下甲據宜陽斷韓之上地指上黨塞成臬則王之國分矣其後秦之滅韓果先取南陽此春秋之南陽非今之南陽詳下絕太行道一百一十五年上黨遂不能守轉以予趙一百一十五年卒乃獻滎陽成臬一百一十六年秦亦拔上黨一百一十七年而韓遂爲秦藩矣

趙

終戰國之世能倔強與秦亢者莫如趙雖曰國有人焉亦形勢然矣趙始封於耿今山西河東道河津縣成子居原故

原國也

今河南河北道濟源縣

簡子居晉陽

今山西

獻侯治中牟

今河南河北道湯陰縣

後復居晉陽

肅侯徙都邯鄲

今直隸大名道邯鄲縣

其地跨今山西直隸兩省錯入河南山東後拓境越陝西之西北其在山西者自今冀寧道之遼縣泗縣趙城

石樓以北抵長城而南與魏爲界西阻河界魏之上郡其在直隸者有今保定道之全境保定道內定曲陽深澤三縣本中山

地武靈王滅中

大名道之大半

大名道除舊大名府屬與山東河南道錯壤之數縣屬魏外其餘皆屬趙

津海道西偏舊河間府屬之諸縣而東與

燕齊爲界。其在河南者。有今河北道北偏諸縣。臨漳內黃武安涉等縣南與魏爲界。以京漢鐵路所經明之。則涿縣定興間。燕趙界也。湯陰淇縣間。趙魏界也。此戰國初趙疆域之大凡也。及武靈王廓境。九十八年至一百〇四年置雁門代郡。則北盡山西之北境。今雁門道全境入察哈爾綏遠邊界。東北有直隸口北道四偏諸縣。懷安陽原蔚縣等西北至雲中九原。則有陝西榆林道以北。包河套抵甘肅境矣。蘇秦說趙肅侯曰。當今山東之國。莫如趙強。地方三千餘里。其時之趙。固已若是。事在七十一一年距武靈王廓境前三十年武靈所廓。又不下千餘里。其强大可想。蘇秦又曰。秦所害於天下者。莫如趙。然而不敢舉兵伐趙者。畏韓魏之議其後也。故韓之南蔽也。雖韓魏翦滅後。秦猶無如趙何。先後間廉頗李牧去之。然後始能以得志。趙亦一世之雄哉。

燕

燕自周初建國。歷數百年。未嘗爲重於天下。入戰國乃爲七雄之一。始都易。今直隸津海道易縣後并薊地遷焉。卽今京師也。全境在今直隸。並跨奉天熱河戰國初。有今京兆及津海道境內。舊天津府及遵化州所屬各縣。昭王時。百十四年其將秦開破東胡樓煩。拓地千餘里。置上谷漁陽右北平遼東遼西諸郡。於是東北有津海道舊永平府所屬諸縣。更奄包遼東半島。逼距朝鮮。環今京奉鐵路安東鐵路以內。率皆燕地也。西北更有今口北道之秦半。今口北道全境皆燕之上谷郡初全屬燕其後趙伐燕取三十六城故有數縣屬趙如前條所述熱河屬之舊承德府各縣亦在焉。此燕境最恢之時矣。蘇秦說趙王曰。燕固弱國。不足畏也。其說燕王曰。秦之攻燕也。踰雲中九原。過代上谷。彌地踵道數千里。雖得燕城不能守。秦之不能害燕亦明矣。故終戰國之世。燕常與齊趙相攻取。齊嘗墟燕。九十燕亦嘗墟齊。百十與趙從親則安。否則恆有趙患。而齊趙亦恆視燕嚮背爲安危。故蘇代曰。天下戰國七。而燕處弱焉。獨戰不能有所附。則無不重也。然二百餘年間。秦兵未始一加於燕。及趙亡。則秦師不再舉而燕下矣。蘇秦又曰。秦之

攻燕戰於千里之外。趙之攻燕戰於百里之內。夫始皇滅燕時。則固戰於百里之內也。

齊

齊表東海。在春秋卽稱雄國。自獻公周厲王時居臨淄。臨淄縣歷春秋戰國六百餘年不徙。諸國宅都之久。未

若齊臨淄者也。戰國齊全盛時。奄有今山東省什之九。濟南東臨膠東三道皆隸焉。東三面襟海。北則跨直隸

津海道內。舊天津府滄州景州所屬各縣。北界燕。西界趙。今津浦鐵路北段所經。則滄縣以北爲燕。其南爲齊

也。今山東濟寧道境。其舊沂州府全屬及舊兗州府屬之寧陽。汶上。鄒。滕。四縣皆齊境。餘則宋及泗上十二小

諸侯地。十二小侯不能悉舉其名。魯。鄒。滕。薛。鄆。等其可考者也。皆在舊兗州府屬。宋於七雄外最爲強大。其地

有山東濟寧道之青澤。曹。定。陶。單。武。城。鉅。野。金。鄉。魚。臺。等縣。有河南開封道之商邱。虞城。夏邑。永城。等縣。有江

蘇徐海道舊徐州府屬之全境。安徽淮泗道之宿毫二縣。及齊楚魏分宋。一二年山東境內宋地盡入齊。齊於是

奄有全省。其未入版圖者。舊兗州府泰安府屬一小分而已。泗上小侯次第爲宋。齊前此南與宋爲界。至是則

與楚爲界。今津浦鐵路所經。滕縣與徐州之間。則齊楚界也。田肯曰。齊有琅邪卽墨之饒。南有泰山之固。西有

濁河之限。北有渤海之利。地方二千餘里。持戟百萬。縣隔千里之外。此東秦也。秦之無如齊何。猶齊之無如秦

何。故終戰國之世。秦加兵於齊者僅二度。一四二九年而皆不能爲齊病。齊之亡。則大勢既去。望風降服而已。

楚

楚當春秋之季。嘗一度大創於吳。然吳未能略楚寸地也。及趙滅吳而不能正江淮以北。楚取之地益廣。其

後滅越分宋。又益廣矣。自七十一年至九十一年之時。楚版圖稱全盛。七十一一年滅越九十年秦取我漢中地北有今河南汝陽

道什之八九。與韓魏爲界。京漢鐵路所經。鄆城西平間。則魏楚界也。汝陽道舞陽縣以北屬魏。內鄉縣以北屬韓其中權則全有湖

北安徽江蘇三省。時安徽江蘇尙有一部分屬宋見前條南則有江西之潯陽廬陵豫章三道。湖南全省東則有浙江之錢

塘金華會稽三道。臨海爲百越所散居西則有陝西漢中道及四川東川道之半。其時漢中道南鄭以西屬秦其東屬楚以當是時。楚地蓋半

天下。自懷王喪師。西境陝西四川之地去矣。九十二至一〇六年然旋復滅宋分其地。八一二從燕伐齊。取淮北。一三〇於是

盡有江蘇安徽餘境。且及山東舊濟寧道之舊泰安兗州二府地。此楚疆沿革之大凡也。淮南子曰。楚地南卷

沅湘。北繞潁泗。西包巴蜀。東裹鄴淮。潁汝以爲洧。江漢以爲池。垣之以鄧林。今鄧縣綿之以方城。今裕縣全楚盛時

之形勢略具是矣。及漢中巴蜀既失。秦控上游以臨楚。楚始不競。韓魏臣服於秦。楚遂不可復守。蘇秦說楚曰。

秦之所害於天下莫如楚。王不從親以孤秦。秦必起兩軍。一軍出武關。一軍下黔中。則鄢郢動矣。張儀說楚曰。

秦下甲據宜陽。韓之上地不通。下河東。取成臬。韓必入臣於秦。韓入臣。魏則從風而動。秦攻楚之西。韓魏攻其

北。社稷豈得無危哉。蘇代約燕王。秦正告楚曰。蜀地之中。輕舟出於汶。汶山即岷山乘夏水而下江。五日而至郢。漢

中之甲。輕舟出於巴。乘夏水下漢。四日而至五渚。在宛鄧間寡人積甲宛。宛城今河南汝陽道南陽縣東下隨。今湖北江漢道隨縣智者不

及謀。勇者不及怒。凡此雖當時策士恫喝之言乎。而後此秦之并楚。實遵斯道。地勢形便所繫之重如是夫。

秦 六國皆并於秦。然秦當戰國初。境壤實視諸國最狹。其國界約自西經七度至十度。北緯三十三度半至三

十五度耳。其地皆在今陝西。惟故都跨甘肅之東偏。而陝西亦與楚魏共之。秦所得僅三之一也。蓋東距洛水。

自今關中道東境白水郃陽間。蒲城朝邑間。高陵華縣間。藍田商縣間。與魏之河西地爲界。北自榆林道鄜縣

甘泉間。與魏之上郡爲界。南則有漢中道內舊興安府屬北境諸縣。而西南與楚爲界。西則盡甘肅渭川道而

止。其時秦地之廣。乃僅與韓宋燕比肩。獻孝惠武昭五世。自二百年至百六十四年銳意攻克。東侵韓魏趙楚。北滅義渠。南

并巴蜀。始皇初立。則既有今山西河東道全境及冀寧道之秦半。舊太原汾澤潞所屬諸縣河南舊懷慶衛輝道。河北開封

道南陽汝南四府所屬諸縣湖北荆南道全境及襄陽道內舊鄖襄兩府所屬諸縣西南奄舉全蜀北及榆林盡陝西北鄙西北有甘肅之涇原道天下形勢盡在秦矣越二十餘年遂并天下荀卿曰秦國塞險形勢便山林川谷美天府之利多此形勝也田肯曰秦帶河阻山隔絕千里地勢便利其以下兵於諸侯譬猶居高屋之上建瓴水也嗚呼先乎秦者有周後乎秦者有漢三代之興皆以關中關中誠重於天下哉

紀六國興衰梗概章第二

戰國各國各有其全盛時代亦有中衰而復興者前紀七十餘年中各國率畫疆自理無大事可紀或史闕文而魏最先強自前紀五十六七年至本紀三十二三年約五十餘年間魏之全盛時代也實文侯武侯兩代蓋魏分晉得故都西據長河兩岸以全河爲帶東有南陽此南陽爲故晉之南陽在今河北道溫縣濟源修武諸縣境非今南陽府屬地魏略時屬魏東部則屬韓也形勝爲天下最文侯一時令辟享國久長前紀五十六年卒在位三十八年敬禮儒賢器使才俊師事子夏田子方過段干木之廬必式任李悝守上地即上郡今陝西綏德府直隸州所屬諸縣皆是吳起守西河即河西地今陝西開中道舊同華兩州境西門豹守鄴今河南河北道臨漳縣及其附近一帶即漢之魏郡也李悝爲魏地力之教盛獎農穡其言曰地方百里提封九萬頃除山澤邑居三分去一爲田六百萬畝治田勤謹則畝益三斗不勤則損亦如之地方百里之增減輒爲粟百八十八萬石爲平糶法觀數年之通調節穀價使農末交利而禦荒有備近世生計學者所稱社會政策斯其嚆矢也悝言雖甚貴農善平糶者必謹觀歲歲有上中下熟上熟收四百石糶三而餘一中熟三百石糶二餘一下熟二百石糶一餘一使民食適足而穀價適平小饑則發小熟之所斂中饑大饑發中熟上熟之所斂而糶之而西門豹在鄴亦鑿十二渠引河漳之水以灌田後世言水利者祖焉悝又撰次諸國法著法經六篇秦漢采之歷二千餘

年至明清條例雖代有增刪然大綱則惺之舊也惺之治蹟存於史策者弗多即此數端其規模弘遠可見衛鞅本魏人習見俚法治之效采之以相秦晉書刑法志云商鞅秦用是強吳起爲我國第一流名將所著書與司馬穰苴孫武書同爲兵家祖吳起四十八篇初爲魯將爲魯破齊既而適魏文侯以爲將伐秦屢敗之因使守西河以拒秦起之爲將臥不設席行不騎乘親裹贏糧與士卒最下者同衣食分勞苦卒有病疽者起爲吮之故士戰不旋踵咸爲死敵起前後拔秦列城五曰少梁前六二曰繁前七十曰龐前七十曰洛陰前七十曰郃陽前七十皆大河以西要地也凡秦爭之地其今釋皆詳秦併六國章東則伐中山克之前七十三南則敗楚於榆關前十三當是時魏威震天下武侯承餘業三十八年值秦喪亂秦有出公之亂盡取河西地於是與秦距洛爲境擴地殆過晉全盛時矣然魏之衰實自茲始吳起既久在西河武侯中王錯之譖召之還起至岸門回望西河泣數行下曰君誠使我畢能秦可必亡君今信讒而不知我西河之爲秦不久矣魏其削乎起懼誅卒奔楚起奔楚之年史失載綱目列之魏武侯元年時當本紀十八年大約當在此後二三年間時幸值秦獻初立內難甫夷未遑外略故魏猶得席餘威以自雄然前此與秦遇輒勝後此與秦遇輒敗蓋吳起去後不二十年而秦盡復其河西故地不三十年而魏西河且入秦矣此魏之失計一也文侯政策常欲結三晉同盟以相保而自固見次章蓋魏地木橫亘韓趙之中魏陸二國二國自不能越魏以相殘武侯初立即改其道納趙公子朔之叛而與之襲趙十八年自是三晉睽渙迭尋干戈以爲秦資此魏之失計二也魏相公孫痤疾革勸惠王舉國以聽衛鞅否則殺之惠王以爲老悖既不能用鞅而縱之入秦四十八年習於魏故既相秦則首以全力圖魏此魏之失計三也夫魏四戰之國雖襲晉名其形勢與全晉之時則大異全晉雄據西北如虎負嵎盡有天下形勝南嚮以臨諸國兵法所謂能爲不可勝以待敵之可勝也故春秋城濮之役其謀議曰戰而捷必得諸

侯。若其不捷。表裏山河。必無害也。以晉形勝如彼。而其君臣之持重於戰事也。特甚。終春秋之世。大戰三四而已。

魏西有秦。東有齊。北有趙。南有韓。楚其地華離繡錯於列強之間。四面及腹心皆受敵。腹心謂韓。故戰國諸國皆

可戰。惟魏最不可戰。韓自知之。故始終未嘗以戰挑其鄰。魏則不然。惠王藉祖父之業。狃於盛強。不戢其武。致四

鄰洶洶自危。環起與之爲難。此魏之失計四也。惠王者。文侯孫武侯子在位五十二年。八十五年卒。立戰事見於史

策者二十七。(一)三十四年(惠王元年)下類推。與韓趙戰濁澤。三十五年敗趙於懷。三十七年敗韓於馬陵。四

於石門。八)四十年秦攻我少梁。九)四十二年秦復敗我少師。十)四年敗韓趙師於澮。十一)十四年秦伐我元

里取少梁。十六)同年伐趙。圖邯鄲。齊楚伐我以救趙。明年齊敗我桂陵。十七)五十四年秦衛鞅伐我。虢公子印。廿一)同年齊

趙伐我。廿二)六十五年與秦戰岸門。廿三)七十年秦伐我。取陝。廿七)八十四年秦圍我焦。其釁自魏啓者十

曲。沃。廿五)七十九年韓趙伐我。敗之。廿六)八十年秦伐我。取陝。廿七)八十四年秦圍我焦。其釁自魏啓者十

焉。初立二十年間。無戰事者四年而已。魏之不競。始於五十年桂陵之敗。其禍自魏之伐趙。拔邯鄲也。時秦方取

魏少梁。惠王失於西而欲取償於東。乃大舉伐趙。韓則朝魏以驕之。魏圖邯鄲。申不害謂韓昭釐侯曰。我執宋則

虛與爲援。魏徵師於宋。伐趙。宋使請於趙曰。請受邊城。徐其攻。而留其日。以待下志。惠王遂圍邯鄲。經年。趙乞

救於齊。楚皆緩救。以待魏趙之兩敵。明年。五十八年。惠邯鄲拔。而齊田忌用孫臏之謀。引兵疾襲魏都。魏還自救。

遇於桂陵。今山東濟寧。遼曹縣境。師覆焉。自是今山東境內。無魏地。楚亦乘虛取睢濊之間。睢濊。水汴河支流。濊。即澮水。

甯陵。商魏東南孔道。遂塞。今徐州至開封鐵路前此。自商邱以邯鄲終不能有。而東陞驤蹇。而魏乃大創。自是與

秦趙和會。五十六年與秦盟。漳水上。無兵事者垂十年。越十二年。五十三年。惠而復有馬陵之敗。其禍自魏之伐

韓也。史記魏世家作伐韓。今從表策。及魏使龐涓伐韓。五戰而五勝。韓東委國以請救於齊。齊使田忌田嬰田盼將。

孫臏爲師。聲言將襲魏都。以救韓。龐涓去韓奔命。魏更起境內衆。使太子申將以禦齊。齊師入魏境。故示怯弱。以誘魏逐利。龐涓果棄其步軍。率輕騎倍日并行逐之。齊伏兵馬陵。今山東臨淄縣境本衛邑也。時衛服屬於魏。魏師暮夜至。萬弩驟發。魏師大亂相失。龐涓死焉。齊乘勝大破魏。虜太子申。蓋桂陵之役。戰河南。今戰河北。而皆大敗於齊。魏元氣彫悴盡矣。孟子所謂梁惠王以土地之故。糜爛其民而戰之大敗。指圍邯鄲及桂陵之敗。將復之。恐不能勝。故驅其所愛子弟以殉之也。指伐韓及馬陵之敗。夫魏之敵則秦之利也。明年。四十秦遂伐魏。虜公子卬。大敗魏師。獻河西地七百里於秦。以講。故都安邑。不可復居。東徙大梁。實惠王卽位後之三十一年也。蓋戰國初元六十年間。史蹟中樞。皆集於魏。自茲以往。魏惟日憂秦患。自救不贍。不復爲重於天下矣。其末年有公子無忌最賢。力殆足以復振魏國。然卒以譖廢。魏遂首爲秦滅。語在秦并六國章也。

與魏代興者。惟楚與齊。楚當春秋之季。既創於吳。旋有內難。百年間不聞有事於中原。蓋魏方強於北。而越在其東。越絕書稱句踐霸後。卽治琅邪。至楚成王滅越。殺王無疆。而無疆子孫居琅邪者。猶二世琅邪。今山東膠東巴東。道諸城縣境也。然則春秋末戰國初。越地蓋跨浙江江蘇山東三省沿海各州縣。楚尙未能獨有江蘇也。蜀在其西。常爲楚患。二十七年。楚肅王四年。蜀伐楚。取茲方。楚楚相攻伐。故置江關。陽關水經注於此。三關外尙有弱關。皆巴楚防守地。攻爭之烈可想。而楚貴族頗橫恣。政出多門。是以不能北嚮。吳起之去。魏奔楚也。悼王以爲相。起明法。審令。捐不急之官。廢公族以養戰士。徙貴人往實廣虛之地。黜游說之言。縱橫者。於是南平百越。北卻三晉。西伐秦。諸侯皆患楚之強。以上據史記吳起傳及呂氏春秋其事當在十八年至廿二年之五年間。既而悼王卒。貴戚大臣共攻殺起。肅王嗣位。盡誅爲亂者。夷七十餘家。三十起。雖死而楚政則自茲一新矣。越四十餘年。威王滅越。實爲楚全盛時代。威王以六十五年卽位。蓋魏徙大梁之次年。其滅越在七十年。則蘇秦約從之前一年也。先是越

三世弑君。國大亂。至是越王無疆立。先伐齊。既而伐楚。適齊魏爲會以相王。威王怒。伐齊。敗之於徐州。遂移師伐越。大敗之。殺王無疆。盡取吳故地。東至於浙江。越以此敗。諸公族爭立。或稱王。或稱君。濱於海上。朝服於楚。威王又使將軍莊躋將兵。循江上略巴蜀。黔中以西。躋至滇池。地方三百里。旁平地肥饒數千里。以兵威定屬楚。欲歸報。會秦擊奪楚巴黔中郡。道塞不通。因還。以其衆王滇。變服從其俗以長之。雲南之通上國。自茲始也。蘇秦說秦王曰。楚西有黔中。今湖南武陵辰沅兩道全境及湖北荆南。巫郡。今四川東川道舊夔州府所屬各縣及湖北東。有夏州。今漢海陽道之長陽公安五峯等縣皆楚黔中地。南有洞庭蒼梧。蒼梧舊說但稱零陵南其包北有陞塞今。南開封道。郇陽。今陝西漢中道洵陽縣。地方數百里。帶甲數百萬。車千乘。騎萬匹。粟支十年。此霸王之資也。蓋在當時諸國中。幅員之廣。莫如楚。故入戰國九十年間。秦不敢有所加於楚。誠憚之也。及九十一年。懷王見欺於張儀。召秦兵以自取敗。十二年間。三喪其師。上流形勝。盡入於秦。楚幾不國矣。百三十六年。秦遂入郢都。楚東徙於陳。距懷王初戰秦時四十五年耳。語並在秦并六國章。楚以五百年積累之業。懷王一朝瞽惑而顛墜之。此屈原所爲發憤自沈。而司馬遷所謂王之不明。豈足福也。懷王既客死於秦。子頃襄王嗣。嘗彷徨於縱橫兩策之間。楚日以削。齊在戰國始終不衰。而威宣之間尤強。自二十六七年至百二十七八年。約一百年間。齊之全盛時代也。二十六年威王立九十年宣王卒百。齊自春秋以來。卽爲大國。席山海之利。厲工商之業。冠帶衣履天下數百年。入戰國後。以遠二十八年滑王滅宋。在海東。不懼兵革之苦。故齊之繁榮。莫與京焉。蘇秦之說宣王曰。臨淄七萬戶。其民無不吹竽鼓瑟。擊筑彈琴。鬪雞走犬。六博蹋鞠者。臨淄之途。東轂擊人肩摩。連衽成帷。舉袂成幕。揮汗成雨。家敦而富。志高而揚。此雖專言齊都之盛美。而全齊可概矣。自桂陵馬陵兩度挫魏。桂陵之役當威王二十六年馬陵之役當宣王二年。東方諸國無復能與齊抗顏行者。秦

既不能越三晉以病齊，楚亦不復動遠略。越雖嘗雄據齊東，今蓋衰落，不足數矣。故此百餘年間，中原蜩唐沸羹，而山以東，乃極驪虞閑暇。儒墨方術游談之士，咸集於稷下。孟軻鄒衍，鄒夷淳于髡等，其最著也。於是齊爲學藝之淵藪焉。齊北與燕爲鄰。宣王末年，燕王噲嬖信其臣子之，既任爲相，旋讓與國而自爲之臣。燕人弗服也。宣王伐燕，五旬而舉之，殺王噲，誦子之。孟子勸王謀於燕衆，爲置新君。王弗能用也，欲遂有燕國。既而燕人畔，楚趙胥謀救燕，齊終不克有燕。而宣王亦尋卒。齊自此衰。八十九年宣王卒之前五年，八十六年六國合縱伐秦，齊亦與焉。無功而還，是爲秦齊交兵之始。然終以東西隔絕，更數十年未被秦禍。百二十九年秦伐齊，取河東，九縣爲秦，加兵於齊之始。湣王繼世，席累葉之業，猶雄於諸侯。先是宣王以田嬰爲相，封於薛。至是，嬰子文襲封，繼爲相。號孟嘗君，能以禮下士，士多歸之。與魏之信陵君、趙之平原君並名。齊深藉以爲重。百二十六年秦王稱東西帝，百二十六年旋滅宋，與楚魏分其地。百二十年於是齊威張甚。然過此則驟替矣。宋故春秋名國，入戰國則介楚魏間，其地四戰，本處不競之勢。乃其末主偃忽圖稱霸，滅滕伐薛，東敗齊，取五城，南敗楚，取地三百里，東敗魏軍，乃與齊魏爲敵國。八十六年遂自立爲王，實六國合縱伐秦之歲也。稱王後益狂暴，乃至射天笞地，曰：「威服天下鬼神。」有諫者輒殺之。諸侯號曰「桀宋」。如是者逾四十年。至是齊伐之，其民散亡，莫或城守。王偃奔魏死焉。齊南割楚之淮北，西侵三晉，鄒魯之君皆稱臣。諸侯恐懼，然燕人已竊竊議其後。百二十二年燕樂毅遂以五國之師來伐，齊國爲墟。而湣王亦與宋偃同命矣。然旋以田單之力，齊復振者猶數十年。

與齊楚代興者，惟燕趙。燕自王噲既死，太子平立，是爲昭王。實齊破燕後之三年也。九十年昭王有報齊之志，顧燕弱小，且新見殘，艱厄實甚。昭王乃卑身厚幣，以招賢俊，築黃金臺，尊事郭隗，以樹風聲。於是樂毅自魏往，鄒衍自

以饗士。其人既感激於國恥而服單之教，單乃出奇兵夜襲燕軍，殺騎劫，遂北至河上。旬日之間，七十餘城皆復爲齊。迎太子於莒，返臨淄，立爲襄王。於是齊復興而燕日替。

當燕昭王東北拓境之日，正趙武靈王西北啓字之年。三家分晉，趙得地最寒瘠，半春秋時之狄疆也。故其興較晚，而其運亦較長。當魏盛時，曾拔趙邯鄲，微齊趙幾亡矣。魏衰，趙亦寢強，蘇秦約從時，而趙肅侯爲約長。七十

趙漸見重於天下，然僅與秦魏齊爲疆場之爭，未獨有所表異也。至武靈王而趙淳興，武靈王以七十九年卽位，修內治者十餘年。九十七年，乃大集朝臣，肥義樓緩等議變法，胡服曰：「今中山在我腹心，北有燕，東有胡，西有樓

煩林胡秦韓之邊，而無強兵之救，是亡社稷也。夫有高世之名，必有遺俗之累。吾欲胡服，騎射以教百姓，雖驅世以笑我，胡地中山，吾必有之。」時貴族諸臣雖有疑沮，以王之英斷懇諭，卒悅服奉行。趙兵驟強，既滅中山，遂攘羣

胡。中山者，春秋鮮虞白狄遺種也。春秋之季，晉用兵數十年，未能克，入戰國益大。前紀六十七年，武公自立，立於羣侯，其地全在今直隸保定道境內。有唐完獲鹿井陘平山靈壽無極定新樂行唐曲陽諸縣地。東北界燕，西南界趙。魏文侯曾攻拔其都，不

能有也。趙敬侯時，戰敗之於房子，獻四邑請和。史失載今據武靈王告公子成語。至是武靈年年攻略中山，乘勝致羣胡而挫之。九

幾於不守。郾故城在今直隸大名道柏鄉縣。此肅侯時事也。王告公子成語。至是武靈年年攻略中山，乘勝致羣胡而挫之。九

十七年，武靈十年。北略中山地至房子，遂之代北。代本北狄國前紀六年滅於趙，至是百六十年矣。其地跨今山西代縣至直隸易縣界，所謂代北者，即出雁門關以北也。至無

窮，卽無終春秋時爲北狄國，今直隸保定道涿源縣。九十八年，二十略中山地至甯霞，西略胡地至榆中。今陝西榆林道，其後三年，十九

零一年，年。連攻中山，中山獻邑請和，暫休兵。百零四年，二十復攻中山，攘地北至燕代，西至雲中，九原。見明年。武靈

王傳位少子何，是爲惠文王，使大臣傅之，自稱主父。主父使子治國，身胡服，將士大夫西北略胡地，而欲從雲中